

Petra a lakao ac'hanomp da redek e 2014 ??

| | | |
|---|--|-----------------|
| An Oaled (kenlabour gant KLT, Mervent, Sked) | Kamishibai e brezhoneg Kamishibai (紙芝居) «pezh-c'hoari war baper» a zo un doare kontañ er Japan, ur c'hoariva bihan e-lec'h ma vez diskouezet istorioù dre skeudenoù dirak an arvesterien. Un dibab levrioù, ul labour frammañ doare Kamishibaï troet e brezhoneg mar plij. Ur c'henlabour diwar ur groudigezh a-vremañ evit bugale ar skolioù ha Kampoù vakañsoù. | 13 150 € |
| An Alarc'h | Yezhadur Chalm e brezhoneg Ur yezhadur e brezhoneg penn-da-benn, eeun ha modern, a gloto gant ezhommoù a-vremañ ar skolajidi, al liseidi, an deskarded hag ar vrezhonegerien. | 5 000 € |
| Skol An Emsav | Kelaouenn bedagogel - Lodenn Liesvedia Ur gelaouenn dudi ha pedagogel evit ar re a zo o teskiñ ar yezh, an deskidi met ivez al liseidi, ar studierien. | 6 000 € |
| Blaz Produktion (kenlabour gant Radio an Aodoù) | Mont pelloc'h gant ar radio : krouidigezh lennegel Krouiñ abadennoù a galite dre ar radio evit lakaat al lennegezh vrezhonek da vezañ klevet ha broudañ ar groudigezh lennegel evit ar radio. | 10 000 € |
| APLUD (embregerzh nevez flamm) | Sevel c'hoarioù pedagogel evit diorren implij ar Brezhoneg C'hoarioù kartoù, diñsoù, c'hoarioù komz ha c'hoarioù korf evit aesaat, broudañ, ledanaat implij ar brezhoneg e meur a zegouezh : buhez familh, strolladoù mignoned, klasoù, stajoù, skolajoù, ha kement lec'h ma klasker mont e brezhoneg. | 9 550 € |
| Div Yezh bro Roazhon (kenlabour gant meur a skol) | Levrioù e brezhoneg, mar plij Kenlabour etre skolioù eus an teir hentenn kelenn brezhoneg a-benn dibab hag embann levrioù nevez evit ar yaouankiz ha profañ anezho d'ur 1000 bugel bennak er c'hlasoù a gemero perzh e Breizh. | 8 300 € |
| Deskin d'an Oadourien (DAO) (kevredad kentelioù an dud deuet) | Malizenn bedagogel niverel evit ar gelennerien d'an dud deuet Ur voest ostilhoù evit ar gelennerien, dezho da ginnig kentelioù buhezkeoc'h c'hoazh ha liesseurt. Evit pep live e vo kavet danvez da gas ar c'helenn war raok, evit lakaat an deskidi da gaozeal, da gompren dre selaou, da lenn ha da skrivañ. | 15 000 € |

Arc'hantaouet e vo ar raktresoù-mañ dibabet, evel ar bloaz pasaet, diouzh an arc'hant dastumet (sammad roet a-vent gant ar gounid a chom da gas, er bloavezhioù pasaet e oa tizhet ar sammad evit pep hini)

Ret vo d'ar Redadeg kaout ur gounid a 67 000 € en holl evite ha kement-all evit Diwan hag e chom ivez e-kreiz ar raktres... da lâret eo 134 000 €.

Sur omp e vo tizhet ar pal uhel-se ur wech c'hoazh a-drugarez da berzh an holl!